

# Walpura Pakpianmumakpas



Kammurus awa sara kai

## CHIKKAMTUAS

Naurusne p+h kammurus Awarusne an  
p+h paar+tne +laparuspa pianchammwane  
aü paishparuza chikkamtuas.

Uspane an p+ishkit naurus minmu  
pianshamune mainñamanashi, karane  
kamchatkit ishtura pakpiananashi.

Wan kaiwaintaruza an p+h karane  
aishtaish kisanmtus.

**Carchi**

**Katsa Sak**

**Marzo de 1997**

- 1 -

## WALPURANE CHIMA KAI?



Anne walpura akkuish kai.

+nkaltas ishmu kai, p+na walnummamin, sun  
ishmurusne, paishparusa ashamparusa, +lapa-  
rusa pishmumamin.

## SUN ISHMUNE CHITKA PISHMU?

An ishmune p+na sampul, chap, chiya p+rish-  
tul, t+rinul, chikmanul p+ta taisht+t kuat pish-  
mumamin.

Pil pishamta piwail sara pishmumamin, karakas  
naishka chat pishmin.



## AN ISHMU WALPURANE MISHA PIANKAMMU

Awarusa kail ishm, s+pmumamin, kail kuam-  
tus pusmin.



Kaijchu ishm, kuaram, p+wi pishmumamin.



k+zpu ishmu, pitchim, aimpuh kulmu mainnam-  
kas pishmumamin.



Sula ishmu, mats kipam pala kuasashi pishmu-  
mamin.




Ñanulas ulmu chihtus ishmu samnul, imu, kua-  
ram najt+tkas pishmumamin.



## WALPURA M+N PAKPIANMU?

Maza awa wat kamt+t pakpianmumamin, ampurus ashamparuskas kamchinamai, karakas ampurusne an pakpianmumamin. Paishparus minpa par+kane kamshinamai.



Maza awa walpura pakpianmu namchitne, pakpianmu +lapasa chashinai. Kammumikane pakpianmura kamn+mmamin. Walpura masampayune kammumikane walpura pakpianmumika kasa +nkalman +tar+min, t+lpa, puilt+. Chawar+ kutña kajaram, pilpih, pakkit karailmin.




+nkalmans kaitawane, pas chat pakpianmumamin, ustawane pas chatkit pammamin. Papayurane sun kanain usmumamin.


Kutña payurane an waramin payupakane +nkalmal + tarilmin, kajaram pih t+mta pakkit winmumamin. Pakpianmumikane kammumikara maza, mazain, pih pakkit kamtammamin.



+nkalmans kaitawane, naishka pakane kammumika kasa, wantus wanmakt+kane jiamishmin, karakas chappi kummamin.



Amam pakane pakpianmumikane kammumikara tankan +tkit pitpara kuinmumamin, suasne +sal chappi, waz kuinmin Kammumikane. Kamtammikane kaishmin kuarasashi. Kuarat kukane watchi, masarus kuararashi wat kualpura pakpianmu pustumamin.



## WALPURA M+JKANE CHIMAKITPAI?


Kualpamikane, walpura pakpianmumikara, kan+tpa amin.

Walpura pakpianmu +lapane ishtura paamin, walpura m+jkane, pammikane kualtusara kainamin.

Suasne kualtusne pakpianm+lasha kishmumamin, kualtus paikukane pakpianmishmin.



## WALPURA PAAMISHISH



Walpura pakpianmumikain pāshinai, usne an pianmikai. Walpura panane tankain +pi, kuashi paashimmamin, ishturane walpura usmumikane tankan, kuashi kasa wan ñanulas usmin.

Suasne wan ñanulas mats sail, mit+, chipuza puns paamin.

Walpurane paakane mazpa mazpain p+namin, Suasne paammikane walpurarane nil patkuamin.

**Walpura mazampayune.**





Pakpianmumikane, puilt+t, pichawar+, alt+m  
chawar+, t+lma pih sain+min, Suasne puilt+t,  
t+lma, ishu sula, pial, wazta winmumamin.  
Pichawar+ne, alt+mchawar+ne, suntus kasane  
palmumamin, puilt+t t+ne kuilkin kuanamma-  
min, paltu payu.



Walpura pakpianmumikane y al mamal t+kual  
palmishna sain+min. Paitane kuashi i washa  
saar+t m+lmin. P+na ishturane kuashi iwikasa  
palmumamin, kawa ishtu chirane kuashi t+hka-  
sa palmumamin.



Chawar+ne iwira painkit palmumamin, Suasne puilt+t kuashi wazta kajt+tm+jne, pitta mujkit, k+nijkin, matskin chipuzaman, punsman, mit+mal usmumamin.



Pakpianmumikane wan ustawane pihne wan t+kual +salta s+ntat+min.



Papayurakas sunkanain usmumamin.

Kutña payurane mam+s tuntu kimin.

Pakpianmumikane amnainne ishturane kutña  
kimain ustat+min, Suasne +nkalman pihtus  
wansan+r+min.



Antus mamin: sampul, kuna k+h p+rishnul  
wilpil, wishpam, pih t+, pikanar+ k+h kuna, aj,  
chap, chiya, kun, ishka irawak+h, kanar+ pil,  
aishkuil k+h, akus; kalparus: ansama, t+p,  
kippu, pakchil tukmurus: kun, ippi, kininta, aral  
p+r+t, aral k+zpu an wan wantarawamamin.



Naishkane ampara paanakimain usmin.  
Kijiamishkane mam+s awarusa kanpasha kish-  
namin. Kiamturane ankana kimin, annia cha-  
war+, kuashi t+hkasa palmin.

Karakas pult+t kuashikasa usmin, maimpihkasa  
jiammamin, minparane ilpi maimpihta usap nin-  
kit jiammamin.

Wan jjarawane chappi nailmumamin. Mazan-  
tusne pih k+h paktammamin. Suasne yalta nu-  
tar+mmamin.



Pakpianmumikane wan pih m+jaishpa munak-  
tar+mmamin.

Suasne pihtusne wan t+mta wantatar+mma-  
min.



Pakpianmumikane amtane wan awara attais-  
para chappi kuinamin.

Amampar+kane, pakpianmumikane tukmurus  
kun, chap, ippi, aj, aral, p+r+t, k+zpu ainamishmin.  
Tukmu ainapain paamishkane p+h k+h kunara  
paamishmin.



Usnintawane isturane pasas mit+k+h kunakin  
tat usti kishmin, tat usnintawane maza waz  
chappi, ishu sulakas, pialtus, ansamarus,  
pakchiltus, kippu t+ptus unammamin.  
Paamishnane chappi, puilt+kasa isltu uskin  
usmumamin. Wan iptawa ne kuanampanapane  
p+ n+mmamin, suntuzarane ishtura mit+kin  
nukunammamin.



Kajaram tukmurus ainan+min, awarusne pian-  
mamin. Aral k+zpune kumchimamin, masantus-  
ne pakpianmurusne aral k+zpune ainakaima-  
min. Pakpianmumikane wan kuar+kane kuishk-  
ta pih t+mta sulmin winjunatkuamin, wan sun  
kitpane wan awarusne kü kikia mishmin.



Pakpianmumikane mit+kin wan nukunatpane  
chappi kuinmumamin, suasne p+h paarawane  
wan maza wain k+hkunara ipkuamin, sune ish-  
tu makimin panamin.  
Pakpianmumikane tukmu parainnane kuishak  
saamin, kishaksarawane tukmu ainar+t nan-  
man awarusa kuinamin, kualtus ishtumikakas,  
pakpianmumikakas kukaimamin, sun kuatne  
walpura taishkai amin.



K+nmishkane pakpianmu +lapane pilk+h yal pianamans yalta inakmin, Suasne ashamparusne talamkin pihkasa i usappamishmin, pakpianmumikane ishtura akumin k+h kunakasa mutkit ishpaishkakin usn+npa, uskuakane pakpianmumikane pikanar+ k+hkasa ulpianmishmin, ulpiantu, ulpiantuin puilt+t kuashi usmumamin.



Sun wan kitpane pakpianmumikane awara piman +shiamturakas m+manamishmin. Pakpianmumikakasa awá +aman kishakane puilt+t kuashi usnamin, +mturusane usnakai amin. Wan usnarawane piman ishtukasa +tar+mmamin.



Ishtumikane awá paishkara k+hkuna mutkaitar-  
+min. Pakpianmumikane pikanar+ k+h mutkit  
+min, karakas piht+m, pikanar+ k+h an  
mam+stuskas kuatm+lasha kishmin. Ashampa  
rusne 7iti pira usapna mutkaitar+m mamin.



Pakpianmumikane pira piannatpane unan sai-  
mishmin, unan sairawane pikanar+ k+h pana-  
mishmin, suain pas k+h kuna paar+t kanmin,  
mazane ishtu mit+kin kunin unammamin.





Tukmu kuat atne t+mtas kuishak ukatkit ishtu-  
makin unammamin. Tukmu kuat atne t+mtas  
kuishak ukatkit ishtu makin unammamin: aral  
k+zpune chuil nukunammamin.

Sun wan kitpane ishtura kuashi t+h wazkasa  
piras ukatkit pinamishmin.



Suasne pakpianmumikane pih pinamishmin,  
suntusne wan nuzmin, karakas awarusa k+zpu-  
kin wilpil kuashikasa n+anapa m+lanamin, wan  
nustawane pinamishmin.



Pakpianmumikane wan pinan kasha paamishkane asamparusne i usaptain kishnamin, usapkuakane pih pusaintain kishmin.

Pakpianmumikane pih i ishpamishkane ulpianmishmin, karakas pas ulpianwainna pishnamin.

Ulpiantukinne ishmin palmar+min, pial sula wazta tuhta wint+t pikanar+ k+h mikkasa ulpianmishmin.



Pakpianmumikane ishturane pamtu pamtuin ulpianmishmin, walpura pusturkas walpura wāshi patar+kane awarusane t+m an mam+stuskas kuatkit ish paishkakin puskit +mishtain kishnamin.



Wan awarus pular+kane ishtumikane kuspat-  
kit +tar+min, pakpianmumikane tain kaikimtuin  
nukultar+min.

Awá aimtawasha kiatar+kane uskas kuishpa pi-  
kanar+ k+h kumpil mutkit +tar+min, pikanar+  
k+hne mi paishka kin panaintat+min. Sunkana  
kitatt+tne ishtura walpura kanpamanpa kai.




Walpura unat amturúsne atishtain kuyanmuma-  
min y alta purarusne sun m+rane talamkin i pih-  
kasa usapmumamin.

Sune walpura ishtukasa yalta numanpa, kish-  
kaishtui. Sunawatmishna wan awarus unat-  
mans amturúsne ishpantukimin nurawamai,  
sune walpura kannumampa kishkaishtui.



Awarus wan yalta nur+kane pakpianmumikane chappi ishu sulakasa kuashinnana paikuanamin, sune walpura ishkuampa kaish kaishtui.



Wan awarusa chappi kuashinnarawane suasne aral ishpusta pala piantakasa paikuanamin. Pakpianmumikane aral ñane kuashinnanane wan pakpishkuamin.

Sune pakpianmumikane pitkasain sapinnamin, karakas chappikas sunkanain. Pakpianmumikarane chappi, aral ña mam+s awarus kuashinmumamin. Pakpianmumikawa kalne suakimain pailmin.



Ishtu parusne tukmurus kuzu ña, palakasa. Wan awara kuinnamin.

Sun kuatpane awane wan +atar+min.



## Pakpianmumikane Kuruntat+min:

Imparus kumun kishmin.

Antus: sampultus, chaptus, p+ral, tuña muya yalwakara, ajtus, kippu, ansamarus, kuntus, pakchil, piltus ippirus antuskas kumun.

- Naishka chamun
- Kuashi t+h kumun
- Puzaman puzmun
- Ñanpa pitnaka
- Unatmankas chamun
- Naishkane pih ish pianinnaka
- Karakas Kutña payura chanka.



## INDICE

Walpurane chima kai.....	1
Sun ishmune chitka pishmu.....	2
An ishmu walpurane misha piankammu? .....	3
Walpura m+n pakpianmu?.....	5
Walpura m+jkane chima kitpai.....	10
Pakpianmumikane kuruntat+mún.....	40

